

Edel Ochsenzung Kraut blümen vñ wur
zeln.

Daubentropff dz frut eins als vil als des
andern.

Alle Kleyne gehackt vñnd gedigeriert in ein
rosmilt auff neim tag/darnach gedistillie
ret per alembicum inn balneo marie dar
nach wider über die feces gegossen vñ aber
gedistillert.

Item ein and güt wasser das
da wunderbarlich sterck all principalisch
en glider des hertzen vñnd eingeweyd/so mā
das trincket/ das hatt geordnet Dominus
Johannes Doctor in medicina argentinē
sis/so man das trincket/zum tag zwey oder
drey mal/yedes mal zwey lot.

Nim ein capaunen/hey. ij. jaren/vñnd be
ropff den wol/vñnd haw ym ab kopff vñnd
füß vñnd thū heruß das eingweyd dz würff
hin vñnd alle feystrigert so er in ym hat/vñ
häck das mager fleysch zū kleynen stücken/
vñnd thū darzū.

Ochsenzung wasser

Borretsch wasser

Melissen wasser

Wegweisen wasser yedes. xvj. lot

Rosenwasser zehen lot

Ochsenzung blümen

Borretsch blümen

Violen

Kauendel blümen

Rot rosen

Neyeron frut

Sticados arabi.yedes anderhalb handfol

Specierū aromatici rosati de scriptione.

Babrielis dritthalb quintlin

Specierum anihos ein halb quintlin

Ariasandali.ij. scrupulos

Zimmet rinden. iij. quintlin

Balgan. iij. scrupulas

Capilli veneris ein handfol

Endiuen samen

Nellunen samen

Basilien samen

Rattich samen

Kirch samen

Citrullen samen yedes. ij. quintlin

Dise ding sollen all vñndereinander vermi
schet werden vñnd gedistillieret per alembi
cum in balneo marie secundum artē mitt
grossen fleiß

Das .xiiij. Capitel leret dich

erkennen/alle gedistillierē wasser wel
che güt seind in allen Franckhey
ten/vñnd zūfellen d̄ brust
vñnd yr anhan
genden
teil.

In gemein wasser das

da güt ist getruncken morgens vñ
abends yedes mal auff drey lot

So ein mensch ein Apostenem will
gewinnen vmb die brust/ oder eng vmb dz
hertz wer/ oder etwas gerunnen blüts vñ
die brust oder in den seiten hert/vñnd sterck
den ganzen leibe/ so man das wasser zum
tag drey mal trincket/yedes mal vff drei lot
morgens/mittag/vñnd zūnacht das Wasser
mach also.

Nim abbis wasser das man auch nemet
reüfels biss.

Fenchel wasser

Ysop wasser

Röselkraut wasser.

Egil kraut wasser

Leinen blümen wasser das man auch nen
net vnser frauen lien oder speck lilien.

Waulber wasser

Weiß gilgen wasser yedes. viij. lot

Vñndereinander in ein glas gethon vñnd ein
monat an die sun gesezt/gebraucht. So

aber ein mensch ein stechen vñnd dz hertz hat
so werd darzū gethon

Endiuen wasser

Wedistel wasser yedes acht lot

Vñnd getruncken wie oben geleeret ist.

Item ein ander wasser dz da

mit kostlich ist/das da fast güt ist getrunckē
morgens vñnd abends vñnd mittag yedes mal
vff drey lot / wider alle böse siechtragen der
brust/die treibt es auß/vñnd macht sie auß

Das drit Buch.

werffen vnd das wasser wirt also gemacht
nim alantwurtz wasser

Kleeblumen der in den matten wechset / vñ
hat ein rote blüm schier wie ein kist.

Weiß gilgen was.

weiß glocken wasser genant wind blümen

Nisop was. gleich vil

Das alles vndereinander gethon vñnd ge
mischet in vorgemelter maß getruncken.

Ein güc wasser da ein mensch

die apostemen mit verreibt / vñnd auch für
francsheyten in dem leib / vñnd alle omacht
so man yn helfen wil / so nim des wassers
ein halbe eyerschäl foll vñnd trinck das des
morgens vñnd abends vñder also vil weins
yedes mal souil.

nim apostemen krant

Fedistel

Salbeyen

Welliggen

Schoshwurtz eins andern rammengarthas
gen

Rute

Hüner kul

wermüt

Nisop

Lauendel blümen

Endiuuen

Rote buck

Borersch blümen gleich vil der kreüter ye
des ein handfoll / alle kleyn gehacker in eine
kass gethon da zwo maß ein gand oder im
ein neuen verglasten hasen / vñnd schütet zwo
maß gütes weins darüber / vñnd vermach
yn wol zü / vñnd vergrab yn in ein Keller vñnd
die erd vñnd laß in darunder stan bis. viij.
tag darnach thü darein dise species.

Muscet blüet /

Muscetnuss

Sümmet rölün yedes. j. lot

Das soll gepuluert sein darnach stell es in
Balneum marie vñnd distilier es per alem
bicum darnach setz es in ein glasz / wol ver
stopfft an die sun gsetzt ein monat lang od
zwen bis zü der brauchung.

Aber ein edelwasser : ist güc

für ein dürren heysen hüssen getruncken zü
tag drey mal morgens / mittags / vñnd zü
nacht yedes mal drey lot.

nim blau violen wasser

Kattich wasser

Kürbs wasser

Seeblümen was.

Wurtzeln wasser yedes. viij. lot

Die rinden von ye lenger yhe lieber. xvij.
lot.

Das werd vndereinander gedigeriert vñnd
gedistilliert per alembicum in baln. marie

Item ein ander wasser für dē

heysen dürren hüssen.

nim des obgenanten wasser. ij. pfund / thü
darzū Capillus veneris grün ein halb händ
foll.

Sießholz zwey lot

Verolt gersten ein lot

Wappeln

Violen beyde grün yedes ein halb handfol

Sebesten vier an der zal

Dya dragagantum

Suleb violarū

Sirop iuuibe

Dya papauer yedes. j. vntz vñnd setz an die
sun. xl. tag sich zü vereynigen.

Item ein wasser das da güc

ist für ein kalten feuchten hüssen

Nisop was.

Boley was.

Cappil. veneris wasser /

Andorn wasser yedes ein halb pfund

dya iris secundum nicolaum /

dya calamenti yedes. iij. lot /

das digierier vñnd distillier das per alembi
cum vñnd brauchs wie oben geschriben stat

Ein güc wasser den ungen

kinder für den hüssen das man yn all mal
ein kleynen löffel foll zütrincken geb.

nim violen was.

Kürbs wasser yedes acht lot

dya dragagantum drey lot

das distillier per alembicum in Balneo ma
rie.

Item ein and güt wasser das
da güt ist für ein brust geschwer / so mans
trünckt zum tag drey mal / yedes mal. iij. lot
Nim apostemen wasser
Waulber wasser
abbis wasser
Wodolger wasser yedes ein pfund
Galbeyen wasser ein halb pfund
Wisch sie vnder einander vnd thū sie in ein
glas wol verstopffe.

Item ein ander wasser d; da
sterckt die lung / vnd ist nützlich den lunglichti-
gen / vnd thut auff yz verstopffung.
Nim andorn wasser
Wfop wasser yedes ein pfund
Cristian wurzel wasser
Die rind von ye lenger ye lieber wasser.
Vnder einander gerhon in ein glas / vnd an
die sun gesezt ein Monat.

Ein wasser das dem mensche
ein güt frische lung macht / so mans trünckt
zum tag drey mal wie oben stat.
Nim eychin laub wasser
Wfop wasser
Blaw gilgen wurzel wasser
Lienen blumen wasser
Capilli veneris wasser
Vnd thū das in ein glas wol verstopfften
setz es an die sun

Aber ein wasser das da güt ist
da ein menschem die lung zūhitzig ist / von
Cethica das ist so ern mensch am leib von
der lungen abnemen ist / mit wölichen was-
ser ym geholffen wirt.
Nim blaw violet wasser
Seebäumen wasser
breit wegerich wasser
Tamariscus wasser gleich vil
Das thū zūsamē in ein glas wol verstopff

Aber ein güt wasser das da
ein hel stūm macht / vnd ist auch güt für die
heysesker / so man das trünckt morgens vñ
zū mittag / vnd zū nacht yedes mal vff vier
lot.

Nim Fenchel wasser ein pfund
Violen wasser ein halb pfund
Cristian wurzel wasser
Der rinde wasser ye lenger ye lieber / yedes
acht lot.
Vnd misch das alles vnder einander vnd
thū das in ein glas / vnd setze es an die sun
ein Monat lang.

Das ist ein güt wasser für die
grobe vnd überflüssige schleimige materi
vmb die brust vnd lung / vnd verreibt die
feuchtigkeyt da ein mensch zūvil speyet.
Nim neyren wasser /
Allantwurz wasser
Capilli veneris was.
Boley wasser
Andorn wasser
Wfopbesem wasser
Aron wurzel wasser yedes gleich vil / aber
aron wurz was. nur halb souil.

Das ist ein güt wasser so ein
die lung in die kal steigt vnd geschwilt vnd
sich bleyet / zum tag drey mal getruncken ie-
des mal drey lot.
Nim Wellyssen wasser
Ye lenger ye lieber wasser
Wegweisen was.
Wüllen was.
Lungkraut was.
Wfop wasser yedes. vij. lot
Biren baum mistel.
Eychen mistel
Fuchß lung yedes zwei lot
was zū puluern ist werde gepuluert / vnd
dan zūsamē gedistilliert per alembicum
in balneo marie.

Item ein gemein wasser für
geschwer im leib so ein mensch meynt das
er ein geschwer oder Apostem im leib wöll
gewinnen / so man sein sechs oder acht tag
allen tag drey mal trünckt auff ein mal. iij.
oder vier lot.

Nim apostemen kraut wasser das ist die
groß Scabiosa.
Vnd die kleyn Scabiosen wasser.

Das drit Buch.

Borreisch blümen Kraut vnd stengel mitt
der wurzeln wasser gleich vil
vndereinander in ein glas gethon

Ein güet wasser da ein mensch
geschwer innwendig im leib het so mandas
trinckt brechent die gschwer.

Nim bappeln wasser
Nischwurzel wasser
violen kraut wasser yedes 2. pfundt
Hfop was. vier lot
Das alles vndereinander gemischt vñnd
in ein glas gethon.

Aber ein edelwasser: ist güet
für gschwer an der lungen gnant peripleu
moma so mans trinckt drey mal zum tage
yedes mal vff. iij. lot

Nim camillen wasser
Hfop was.
Hfenkraut wasser
Cappil. veneris wasser/
Fenchel wasser
Weiß gilgen was. gleich vil
Nischs vndereinander vñnd setz an die süß
sich zü vereynigen

Das. xiiii. Capitel leredich
erkennen/wölche güet seind zur leberen/die
entzünd ist /auch zü andern krankhey
ten der lebern/desgleichen da ein
mensch um grosser hitziger
krankhey grossen
durst hat

Ungemein güet Wasser
wölches nutz vñnd güet ist da ein men
sch in grosser hitziger krankhey li
get/vñnd grossen durst hat/so man
das trinckt morgens mittags vñnd zünacht
yedes mal auff zwey lot oder drey vñnd er
wan vñder den wein gemischt vñnd getrun
cken.

Nim saur granatöpfel wein
Ampffer wasser
Erdinien wasser
Durzeln wasser yedes. vj. lot

Saurrauch wein
Kürbs wasser yedes drey lot
Species Triasandali ein lot
Trocisc. de camphore 2. lot
de spodio.

de berberis yedes ein quintelin.
Was zü puluern ist werd gepuluert vñnd
vndereinander gethon in ein cucurbit wol
verstopfft vñnd gedigeriert in ein roßmist
vñnd dan gedistilliert per balnerm marie/
darnach wider über die feces gegossen vñnd
gedigeriert drey tag vñnd gedistilliert vñnd
das geschehe zum dritten mal dan so ist es
bereyt zum brauch.

Aber ein ander wasser dazda
güet ist für alle krankhey die von hitz kum
met/ es sey in einer suchte oder von geblüt/
es sey an augen/im mund alt oder jung od
am haupt/es sey innwendig oder außwen
dig/vñnd wer sein hend darin netzt keynheif
ses eisen oder feur brennet in/aber wein dz
haupt wee thüt von hitz/der netz die schläff
vñnd den hals mit dem wasser er gemist zü
hand/vñnd all hitz wa sie ist/so man ein tüch
lin darinn netzt/vñnd daruff legt/das mach
also.

nim holderblüt
Rosshüb Kraut/ das auch genemet wirdt
brantlattich.
nachtscharren der kreüter gleich vil als du
wilt/vñnd distillier darvon ein wasser.

Item ein ander wasser fürde
durst/das lieblich zübrauchen ist/so man
sein ye auff zwey lot trinckt für sich selber/
oder vñder anderem krank

Wensdistel wasser
Ampffer was.
Leberkraut was.
violen wasser yedes vier lot
Wein von granat öpfeln. vj. lot
Limonen safft drey lot
Bomeranzen safft vier lot
Sirop de limonis oder oxisactæ simplicis
secundum nicolaum.
Siropi de acetosi/citri yedes drey lot.
Roten sandel. j. lot